

安南雜記

遊雁蕩山記

筠廊偶筆 上下

金齋退食筆記 上下

三 七 二 〇	三 一 七 〇	二 四 〇	二 四 〇
------------------	------------------	-------------	-------------

漢書門	三 一 七 〇	內閣文庫
番號	漢 3170	
冊數	24 (2)	
函號	371 51	

鈴

前集 二


安南雜記



漢書

遼寧李仙根

子靜著



交趾之地即安南即交州即日南西北自交岡來故曰交趾東北
 界廣西東界廣東西界雲南西南界老撾即古哀牢南插入大海
 中通占城秦漢時皆郡縣也黎氏王國在富良江西後三峯山左
 安子山右傘圓山插入雲霄富良江左右纏抱前入大海亦南荒
 一都會也所屬有十三道五十二府二百一十九州縣都統莫氏
 惟高平一府四州在北隅之東俱無城郭其人披髮以香蠟梳之
 故不散跣足無塵垢以地膏淨沙也男女衣皆大領無分別無
 裙褲女有無褶圍裙其上與官或時冠帶鮮艷然非其好也稱其
 貴人曰翁茶翁茶者大官也其牛羊猪燒去毛即割而食之只有

燒酒時刻喫棋柳惟睡夢方停每用藥物塗其齒黑而有光
見人齒白者反笑之惟王宮用黃瓦官民不敢用瓦以草苫楹棟
以竹房檐高四尺許門高不過三尺篋首折腰乃得出入即王殿
檐高不過丈許其屋外多種刺竹甘蔗椰子諸樹其果四時生長
無定其氣候常煖其土產惟稻無二麥有布最纖輕有蠶桑綿細
曰交兌素絹如畫絹闊二尺多榕樹甘橘有波羅蜜果如南瓜味
微甜中有子如刀豆子皆可食其象牙香藥綿花胡椒茴香醬醋
等物皆自外來者無桌椅特為使臣造二公座甚高大其宴桌圓
彩金漆高可尺許盤似花瓣其文字與中土同另作數十字多加
土傍與使臣往復文書不用也臨賀公館在富良江之東去國三
十里許以竹為牆每天使至一次則加竹一重其風俗娛蕩無耻
洗浴便溺男女裸體往來坐立不相迴避雖貴家亦然其豪家
有牀褥平民則無貴者以網為兜兩人擡之大貴者有轎似車上
轎盤脚坐或用八人四人擡之最可笑者其王傘扇轎夫全體俱
露止用一股青布纏腰從尻下裹勒至臍雖寒天不着寸衣又皆
形狀肥實名曰好漢聞多係殺人援救者其兵止穿大袖青衣一
件或二件天暑即裸并無甲冑其器械尚銃藤牌鎗刀諸物頗精
于飾以之大用殆不足也頗讀書知文字而好怪異無傳授不甚
貫通尚巫鬼不奉二氏之教以能強言者為功故根有四字批評
曰愚曰疑曰詐曰傲愚則不認理疑則不信人言詐則其言不可
信傲則自謂無罪也此四字如銅墻鐵壁穿不可破要在廟堂勝
算各邊臣措置威風有以警之耳